

Bibel fa Kjinja
brinjt junt



Rut: Eene
leeftolje
Jeschicht



Jeschräwen von: Edward Hughes
Jemolt von: Janie Forest
Toom Pauss jestalt von: Lyn Doerksen
Alastair P.
Äwasat von: Ed Zacharias
Hääjestalt von: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2022 Bible for Children, Inc.



Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.



Wan du kust diene Uagrootelren äare Elren, un uk
dee äare Elren trafen, aul dee Menschen von woone
du aufstaumst, wurscht du die äwa dee wundren.
De Bibel sajcht daut Jesus von eene moabietische
Fru aufstaumt, dee Rut heet. See
haud jeliheet Jetta aunbäden.



De Jeshicht von Rut es enne Bibel no de
Jeshichten von Simson. Daut Launt kjeem
en eene schwoare Hungasch-Noot. Weetst
du waut daut es? Jo, daut es wan
Menschen hungren un nich jenuach
to äten haben, wiels de Stapen un
Goades nich droagen. Eenjemol
vehungren Tieren ooda
uk Menschen.




Doa via een Maun, Elimelech, dee veleet Betlehem
met siene Fru un twee Säns, un sochten no Äten.
See jinjen no daut Launt Moab, wua de Lied nich
von Gott wisten.



De Famielje
jinkj derch

eene schwoare Tiet en Moab. Ieescht
storf Elimelech, un dan storwen beid Säns.

Nu wia de Fru,
Noomi,



auleen met de Säns äare Frues, Rut
un Orpa. Rut un Orpa wieren Moabita.




De Wätfru, Noomi, hieed dan daut de Har sien Volkj jeholpen haud, un Broot jejäft haud. See muak sikj reed toom trigj gonen. Waut wudden de junge Frues doonen? Noomi säd see sullen en Moab bliewen un sikj wada befrieen.






Orpa jinkj trigj. Oba Rut nich. See
muak een sea scheenet Vesprääkjen,
daut see emma wudd met Noomi bliewen.




Noomi äare Frind en Betlehem freiden
sikj to ar. Oba see säd see sullen ar
Mara (betta) nanen, enne
Städ Noomi (scheen). See
säd, "Dee, dee aule Macht
haft brinjt mie lieden." Nu
haud see kjeene Mana en
de Famielje.



Rut haud von kjlien nich von Gott
jeliect en Moab, oba nu wull see
Noomi äa läwendjen Gott deenen.
Rut schauft sea, daut Noomi to
äten haud. See jinkj wua de
Drascha wieren un lauss toop
waut oppe Ieed jefollen wia.






See wia opp Boas siene
Stap, un Boas hieed woo
Rut fa äare Schwia-Mutta
schaufft. Aus hee Rut
jetroffen haud, säd hee
siene Drascha see sullen
waut Jeträajd fa ar
ligjen loten. Hee
hilt väl von Rut.



Rut vetald Noomi woo
goot Boas to ar wia.
Noomi dankt Gott. See
säd, "Dee Maun es von
ons Frintschoft;
hee kunn ons
veleicht halpen."





Met de Tiet wull Boas sikj met Rut befrieen un de Famielje halpen äa Launt besorjen. Oba doa wia eena em Frintschoft däm daut daut ieeschte troff, oba hee wull bloos daut Launt un nich Rut. Daut Jesaz säd daut dee toop wieren.




To dee Tiet beschlooten see eene Sach met eene Schlorr. Boas neem siene auf, un jeef däm aundren Maun dee, aus een Tieekjen daut de Sach berät wia. Rut wia Boas siene Fru, un Boas wudd fa Noomi un äa Launt sorjen.



Boas un Rut äa ieeschta
Jung wia Obed. Obed
wort de Grootvoda to
däm Kjennich David.



Waut noch bāta es, es daut de Har Jesus von
dee Famielje es. Jesus staumd von Kjennichs
un wort de Kjennich äwa Kjennichs un de
Heilant von de Welt.



Rut: Eene leefтолje Jeschicht


Eene Jeschicht von en daut Wuat Gottes,
de Bibel

finjt eena en

Rut

"Wan dien Wuat openboat woat,
jefst daut Licht." Psalm 119:130





Daut Enj



Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmell! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu nieet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

